

مُصَلِّطُ الْقُرْبَانِ

در - معادته باب عالی جاده - سده
دائرة مخصوصه صدر
محل ارايه:

ملاحظه
ممكنه موقف آثار جديده مع المنزهه قبول اول نور
درج ايشامين آواز اعاده اول نور

دين ، فلسفه ، ادبيات ، حقوق و علوم دن باحث هفته لق رساله در

در - معادته نسخه سي ۵۰ باره در

پيرلادن مقوا بورو ايله كوندريليرسه سنوي
۲۰ غروش فضله آلتير.

در - معادته پوسته ايله كوندريليرسه ولايات بدلي اخذ اولنور.

تاريخ تاسيسي :

۱۱ محرم ۳۲۴

مؤسسلرى : ابو العلاء زين العابدين - ح . اشرف اديب

سنه لکي التي آتاني

۳۵ ۶۵

۵۰ ۹۰

غروشدر ۵۰ ۹۰

در - معادته

ولاياتده

مالک اجنبيهده

برنجي سنه

۱۲ محرم ۳۲۷ پنجشنبه ۲۲ كانون ثاني ۳۲۴

عدد : ۲۴

اسلاميتك بخش ايتديكي حریت عامه

حریت شرعیه نك مرکز دأثره سی ، اهم فوائد واعظم مزایای ،
زمره احرار ك اقدام مساعیسی امر بالمعروف ونهی عن المنکر در كه
بیوك وكوچوك هر فرده ، جمعیت اسلامیة بی تشکیل ایدن هر قومه ایفای
نصائح خالصانه بووظیفه عالیه نك اس الاساسی وركن اعظمی اولدینی
وارسته ایضاحدر .

«الدين النصيحة» حدیث شریفیه مؤید بولونان بورك ن جلیلی
اكابر اسلاف علی الدوام محافظه ایدر لر دی . حتی خلفای عظامه مبايعه
انساننده شرائط اساسیه دن اولمق اوزره بوجه صراحت ذكر ایتك
معتاد ایدی . چونكه جناب رسالتاب افندمزدن بویله تا قی ایدلمش ایدی .
بخاری شریفده کشیده سلك روایت بیورلدینی اوزره اصحاب
گرامدن جریر بن عبدالله «رضی الله عنه» - بصردامیری جناب مغیردنك
وقوع وقاتنده امیر لاحق ورود ایدنجه یه قدر اهالی بلدینی تسکین
مقصدیه ایراد ایلدیکی خطبه ، حاله مناسب نصائح علیه لری افتتاحده -
رسول اکرم افندمزه بن ایلک ملاقی اولدوغم زمان یارسول الله سزه
اسلام اوزرینه بیعت ایدرم ، دیدم . اول حضرت در عقب «والنصح لکل مسلم»
کلام شریفلرینی علاوه بیوردیلر . یعنی اسلامی قیبول ایدن کیمسه یه
مسلمینك هر فردینه ناصح و مرشد ، خیر خواه دائمی اولمق شرطدر .
بنده اوزمان بومنوال اوزره مبايعه ایلدمدی ، دیمش لر در . جناب
جریرك «اسلام» تعیرندن مقصدی روایت اخراده تصریح اولدینی
وجهله اقامه صلات وایتای زکات کبی وظائف اسلامیة در . ایسته
بو طاقم فرائض دینیة نك قبولی شارع اکرم افندمزدن افراد مسلمینه ناصح
وخیر خواه وانلری سیل سلامتیه مرشد اولمغه تعلیق بیورمش اولیورلر .
بونی مؤیددها بر جوق احادیث صحیحیه وارددر .

خلفای عظام مواجیه سنده ایراد اولونان حق سوزلرک بری ده
حذیفه بن الیمان «رض» ك فاروق اعظم حضرتلری طرفندن «اگر بنده
برمیل وانحراف اثری حس ایده جك اواسه كز نه یاپارسكز» بیورلدینی
هنكامده مشارایه خطاباً «زسنده ذره قدر بر اثر انحراف كورمش
اولسه ق والله - قیلجلر مزایله - تقویم ایدرز» دیمسیدر كه مهابت
جلیله سیله معروف اولان حضرت مشارایه بوسوزی استماع بیورونجه
حذیفه یه اصلا كوچمندكدن بشقه بردفعه دها تکرار کلام ایتدیردر ك
بوندن طولانی ، امت احمدیه ده بویله ناطق بالحق ذواتك . موجود اولسنه
مبنی جناب حقه عظیم نشکرلر ایتشیدی .

حضرت مشارایه ك کمال انصافلرینه دال اولان دلائلک بری ده
«احب الناس الی من رفع لی عینی» کلام شریفلر ایدر . یعنی عنده
ناسك الك سوکیلیسی بکاعیسی اخطار ایدن لر در . [بومعنا بی مفید اولمق اوزره
مشارایه ك «رحم الله امرأ اهدی الی عینی» کلاملری دها مشهوردر]
بردفعه ده شویله بیورمش لر دی : «لذی الایجاب بر قومك امورینی
اصلاح ایچون والیرینی تبدیل ایتك نجه غایت آسان برشیدر» بو کلام
عالی لری ایلده مأموریتلرک حریتی اعلان بیورمش او ایورلر . فی الواقع
بر مأموریتی بر شخص معینه حصر ایتك او مأموریتی او کا خادم واسیر
قلمقدر . حالبوکه مأمورک تعیین اولونه جنی مأموریتیه خادم اولسی
لازمدر . قابل اشتراك اولیمان مأموریتلر ده بولمق انسانده حس استبداد
تولید ایدر . برده بر خدمته دها اهلیتلی ذات واریکن غیرسنی تعیین
وابقا ایتك - احادیث شریفه دلائله - جناب حقه ، سنول ذی شاننه
وکافه مسلمینه خیانت عدا اولنور . مصالح عباد بوتوق امانه الله در .
عامه ناسه تعلق ایدن بر مصلحتی اهلی اولیمان کیمسه یه تودیع امانه الهی
تضییع وابطال اولدینی حدیث آخرده مصرحدر . جناب باری تعالی

دم و مال و عرضدن عبارت مواد حیاتیه سنی تعرضدن مصون قیلمش، بونلره دأثر حرمت و رعایت هر مکلفه و جیبیه ذمت اولدیغنی اعلان ایتش در .

اگر ناشر مذمت دوچار مظلومیت اولسیله تعامل ایده جک اولورسه معذور کورولمز . چونکه ادعا ایتدیکی حقوقی احقاق ایچون عائد اولدیغنی محکمه یه مراجعت ، اورادن استحصال مرام ایده مزسه او محکمه نك حاکمی مافوقه شکایت ایتک حقی حائزدر .

استعین بالله « ولولا دفع الله الناس بعضهم ببعض لفسدت الارض ولكن الله ذو فضل على العالمين » نظم جلیلی بوباده بویوک بردستوردر . محاکمک غیری محله بر شخصک معاینه اطلاع مشروع دکادر . چونکه بوندن مقصد اوشخصی فضیخته اوغرا تاق ، رسوای ایتکدر . بوکانه شرعاً ، نه عرفاً مساعدده یوقدر . مکرکه بر کیمسه نك تربیه و اصلاحی باشقه طریقله ممکن اولیوب اعلان مساویسی مقتضای ضرورت اولورسه اول وقت بقدر ضروره بحث و اعلان اولور . شرع شریفه تبعاً بو بحث و اعلانی قانون حریت ده تجویز ایده بیایر . « اذکروا الفاجر بما فیه کی یحذره الناس » حدیث شریفی بو حکمت سیاسی بی حاویدر .

علوم و معارف و حرف و صنایعه تعلق ایدن حریت لوازمندن بری ده بونلرک هیچ برینه نا اهل اولانلرک بحث و مداخله صورتیله تعرضده بولنمایددر . بو حریت محافظه ایدلیه جک اولورسه مداخلینک تصرف و تجاوزلری نسبتنده علمه ، صنعته فساد قارشدیرلمش ، عامک شعش کانه ، صنعتک رونق و رواجنه نقصان ایراث ایدلمش اولور . حاکم ایله مفتینک قوانین طبییه یه دأثر مطالعه ده بولنسی غیر معقول اولدیغنی قدر ریاضیون و سائر نك مباحث عمیق دینییه قارشمسی ده محض فضول و غایت کولنج اوله جنی طبیی ، هر برینک تجاوز حد صایله جنی امر جلیدر .

هر فنک غوامضی اهل و اربابنه ترک اولنالی ، بقدر الامکان آکلایه بیلیمک ایسته یئر آنلره مراجعت ایتلیدرلر .

(فاسألوا اهل الذکر ان کتم لا تعلمون)

بلغای عربک « اعط القوس باریها » مثل مشهوری بوکا شامل اولدیغنی کبی شعرا سندن بری ده :

« فاکل من قادات الجیاد یسوسها »

« وما کل من یجری یقال له یجری »

دییه زک آته بینن هر شخص اونی قوللانه ماز ، ایشکذراق ادعا سنده بولنان کیمسه هان تصدیق اولنماز ، مألنی افاده ایتشددر . صدر اسلامده جاری بر وقعه بی ده مثال اوله رق ایراد ایدلم :

حطیه نام شاعر مشهور [۳] اشرف عربدن « زبرقان بن بدر » ه خطاباً انشاد ایتدیکی برقصیده ده شو :

« دع المکارم لاترحل لبغیتها »

« واقعد فانک انت الطاعم الکاسی »

[۳] جروول اسمیله مسمادر . فقط قصر قامتندن طولای بو عنوان ایله تلقیب ایدلمش غایت فصیح و فقط اخلاقسز برشاعردر .

« ان الله یأمرکم ان تؤدوا الامانات الی اهلها » آیت کریمه سنده محافظه اماناتی ال ک مؤکد صورتله امر و فرمان بیورمشدر [۱] « اذا ضیعت الامانة فانتظر الساعه » حدیث شریفی ده جامع صحیح بخاریده مذکوردر .

مأموریتلرک مقتضای حریتلرندن بری ده مأمور اوله جق ذاتک قوی و امین اولسی ، قدرت و کفایت ، امنیت و استقامت اصحابندن بولنمایددر . چونکه هر مأمور مأموریتلرک اجیری عد اولونور . قرآن کریمده ایسه « ان خیر من استأجرت القوى الامین » بیورلمشدر . بناءً علیه شو ایکی شرطک بری مفقود اولورسه مأموریتک فائده سی ضائع اولور ، کیدر .

اسلاف کزین اسلام بو حقیقته هب آشنا بولنورلردی . حکایه اولدیغنی اوزره بر دفعه « ابو مسلم خولالی » رحمه الله [۲] معاویه حضرتلرینک حضورینه داخل اولدقده « السلام علیک ایها الاجیر » خطابیه سلام و یردی . حاضر بولونانلرذن بر ذات « مناسب اولان (ایها الامیر) دییه خطاب ایتله لیسک » دیمش ایسه ده معاویه (رض) خایر ! یک اعلاسویله یور . فی الحقیقه بزاجیردن باشقه دکلز ، دییه اعترافده بولندی . ابو مسلم تکرار اوت ! سن بر اجیرسک ، راعیسک . قویونلرک صاحبی سنی استیجار ایتشددر . اولنلرک علیانه مداوات ، کیروده قالانلرینه مرحمت و مراعات ایدرسه ک اجر تکی آلمغه حقک اوله بیایر ، و الامستحق مجازات اولورسک ، دیمشدی .

ایشته بو ملاحظیه بناءً خلفای راشدین دورنده بعضاً دها بیوک فضائل و کالاتی حائز اولان ذات بر اقلیرده اونک مادونه توجیه ماصب اولونوردی . چونکه او خدمت ایچون آرانیلان اهلیت اوند بولونوردی ، یا خود دها زیاده فعالیت مشاهده ایدیلردی ، مطلوب ایسه تمشیت مصالح امتدن عبارتدی .

ظل ظلیل حریتک مشمولاتندن بری ده سر بستنی افکاردر . بر مصلحتده علاقه دار بولونانلرک هر بری رأی و مطالعه سنی تحریراً اولسون ، شفاهاً اولسون سرد و بیانه شرعاً مأذونددر . بالخاصه داعی مخاطرده اولان بر غفلت و خطایی ازاله ، خصوصی و عمومی طریانی ملحوظ برفسادی اصلاح مقصدیله واقع اوله جق افاده نك غایت مرغوب اولدیغنی بی نهایت آثار نبویه ده مصر حدر .

هله کندی حقوقی محافظه و مدافعه ایچون ایجاب ایدن بث شکوادن هیچ بر وقت ، هیچ بر کیمسه منع اولونه ماز . بو حریت ، بو صلاحیت بخاری شریفه کی « ان لصاحب الحق مقالا » حدیث شریفیله ده بالجمله اصحاب مواجهه سنده اعلان بیورلمشدر ، بالکتر شخصیاتندن بحث ، تسمیه و یا اشارت ایله تعیین اولنان اشخاصک مساویسی اعلان ایتک غیر جائزدر . زیرا شرع شریف هر شخصک

[۱] بو آیت کریمه نك اسباب نزولی و مزایا و فوائدینه دأثر تفصیلات لازمه کچن نسخله نك « مواعظ » قسمنده مندرجدر .

[۲] اکابر تابعیندن خلفای راشدینک هر برینه ملاقی اولمش ، کرامات خارقه سیله کسب اشتهار ایتش بیوک بر ذاتدر . ۶۲ تاریخ هجر بسنده ارتحال ایتشیدی .

بیتنی ده درج ایتشیدی. بوندن طولایی زبرقان بنی هجو ایتدی، دییه شاعر مزبورى حضرت عمر الفاروقه شکایت ایلدی، مشار الیه بونک جهت هجوی هر کسه نمایان دکدر. باقلم حسان بن ثابت نه دییه جک، بیوردقدن صوکر ا جناب حسانی جاب ودعوائی اکا اسماع ایلدی. حسان، بوسوز هجودر، هم بک شدتلی بر هجودر، دیدی. واقعا او یله اولدینی درکار ایدی، « سن صاقین طالب مکارم اوله، یرنده اوتور، سکا یاراشان بودر. سن آنجق طعام ییین، البسه کین بر کیمسه سک » معناسنی مفید اولان بیت مذکورک مخاطبی همتسزک و قابلیتسزک ایله توصیف اولدینی حضرت عمر نزدنده ده رعنا معلوم ایدی. فقط منازعه وقوع بولان مسائله اهل واربابنه مراجعت لزومنی تأسیس مقصدیله بو یولده معامله بیوردی.

هر فن وصنعتک اکبری مرجع مشکلات قانیر، نفی و اثباتده منحصر آنلرک حکملری مدار فصل اتخاذ ایدیایر سه ملتک اصلاح وترقیسندن امید کسایمز. عکسی تقدیرده ایسه هر قفادن برسس چقا جفدن فوز و نلاح قاپوسی قاپانیر.

« ولا تجسوا الناس اشیاءهم »

نظم شریفی ده بو طرز تسلیمه، بو قدر شناساغه ارشاد ایتیمورمی؟

مناسترلی اسماعیل حق

نجائب قرآنیة

سورة نحل : آیت - ۹۰

« ان الله يأمر بالعدل والاحسان وايتاء ذی القربى وینهى عن الفحشاء والمنکر والبغی يعظکم لعالمکم تذکرون »

علی التحقیق جناب حق عدل ایله [حقوقده مساواته رعایت ایدوب هر ذی حقه حقنی و یرمک ایله] و احسان ایله [خلقه ایلک ایتک ایله] و [بالخاصه] ذی قرابته [محتاج اولدقلى شیئی] اعطا ایله امر ایدر و فحشاءدن [کذب، هتان، زنا و سائره کبی قولاً و فعلاً] قبحده مفرط ذنوبدن [و منکردن] طبائع سلیمه نك نفرت ایدوب خوشلا، دینی شیلردن [و بغی و ظلمدن] ناس اوزرینه استعلا و استیلادن، آنلر اوزرینه تجبردن [نهی ایلر]. [جناب حق بو مستحسناتی امر و بو مستقبحاتی نهی ایله] سزه نصح و پند ایدیور، بوده سزک متصح اولمکری مراد ایلدیکی ایچوندر.

بو آیت جلیله خیر و شرک بیانی اک جامع بر اصل الاصولدر. دینی، سیاسی، اجتماعی، شخصی، اقتصادی هر نوع صلاح و سعادتده ارشاد ایدیور. عدل بتون فضائلک منبجی در. جمعیتک ضابطه حیات سیاسییه سی، افراد جمعیتک ضامن جان و مال و ناموسی عدلدر. انسان حقوق، مشروع و عهسنه عدل ایله مالک اولور. انسانه موهبه فطرت اولان سر حریت عدل ایله تجلی ایدر. فقط یالکز عدلک تأسس ایتسیله بر قوم مسعود اوله ماز. نور فیض عدلین استفاده ایچون انسان قوای

بدنیه و ذهنیه سنی استعمال ایتک لازمدر. انسان ایسه تک باشنه حوائجی استحصال ایده میه جکی جهته تعاونه محتاجدر. تعاون حسن معاشرت ایله اولور. بر جوق احوال و عوارضدن ناشی انسان ابنای جنسک مواساتنه، لطف و کرمنده عرض اقتدار ایلر. بونکچوندر که تعاون، حسن معاشرت، شفقت علی خلق الله، بیوایکان و محتاجینه مد دست مواساة و وظائف اساسیه بشریه دندر. کسب تجارت ایتک، تحصیل علم و معرفت ایلک، شرکتلر تشکیل ایتک تعاون جمله سندندر. کسب و تجارت ایدن معیشتی تدارک ایلدیکندن حیاتی جمعیه بار اولدقدن بشقه دیکر لرینک حوائجی حصوله کتوردیکی ویاتسهیل ایلدیکی جهته جمعیه یاردم ایتش اولور. تحصیل علم و معرفت ایدنلر دیکر لرینه قوای مادیه و مغنویه لرینی تنویر و تمییه ایله یاردم ایدرلر. آحادک باشه حقیقه میه جنی معظمت امور شرکتلرک قوتنه مسخر اولدیغندن شرکتلرک جمعیه یاردمی بک مهمدر. تعاون، حسن معاشرت، شفقت علی خالق الله بونلرک جمله سی احسان مفهومنده داخلدر. ایشته جمعیتک آسایشی، حقوق انسانیه نك حمایه سی عدل ایله تأمین ایدلد کدنصکره فیوض عدل ایله سیراب اولمق ایچون احسانه لزوم قطعی اولدیغندن بو حکمته منبجی جناب حق عدله احسانی تردیف ایلدیکی کبی رذائل و سیئاتدن تجرردخی جمعیتک روابط ضروریه سندن و انسانک دارینده فلاح و نجاتنی موجب اسبابدن اولمغله رذائل و سیئاتدن تعرینک لزومنی ده امر بیورمشدر. بو جهتلر یکان یکان تأمل و تدقیق اولنورسه آیت کریمه نك نه قدر جامع المعانی بردستور اعظم اولدینی نمایان اولور. بونکچوندر که ابن مسعود رضی الله عنه حضرتلری: بو آیت قرآنده خیر و شری اک جامع بر آیتدر دیدی. قاضی بیضاوی حضرتلری تفسیرنده بو آیت عثمان بن مظعون رضی الله عنهم سبب اسلامی اولمشدر دید کدنصکره قرآنده بو آیتدن بشقه برشی اولسه ایدی ینه آنک حقنده [هر شیتک بیان بلیغی و عالمک هدایت و رحمتی در] وصفی صادق اولور ایدی دیمش و بو آیتک « و نزلنا علیک الکتاب تبیاناً لکل شیء و هدی و رحمة » نظم جلیلی عقبنده ایراد بیورلمسی بلکه بونکته یه تنبیه ایچون اولملی در، مطالعه سنی ده علاوه ایشدر. رسول اکرم افندمز با امر الهی قبائل عرب ایچنه چقدینی بر صروده شیبان بن ثعلبه قبیله سنه ملاقی اوله رق و حدانیت الهیه یی و رسالت سنیه سنی تصدیق ایله برابر قریش ذات نبوت پناهنی تکذیب ایلدکلرندن کندینه نصرت ایتک آنلری دعوت بیورمسی اوزرینه ایچلرندن مقرون بن عمرو: بزى نه یه دعوت ایدیورسین یا اخا القریش! دیدکده رسول اکرم « ان الله يأمر بالعدل والاحسان » ديه آیت کریمه یی نهایتنه قدر اوقونجه عمر: والله سن مکارم اخلاق و محاسن اعماله دعوت ایدیورسین. سنی تکذیب ایدوب علیه که قیام ایدن قوم افک و افترا ایتشدر دیدی. بر دفعه ده رسول اکرم افندمز بو آیتی ولیده اوقودقده ولید تکرار قرائت بیورلمسی نیاز ایتسیله قرائتی اعاده بیورلمش ایدی. ولید آیتک حسن ادا و مؤداسنه حیران اوله رق: امان بو نه طائلی، نه جاذبه لی حسن بیان دیمشدر.